

Čuovus Lappi ealáhus-, johtolat- ja birasguovddáša mearrádussii

VÁIDDAČUJUHUS

Váidineiseváldi

Dán mearrádussii duhtameahttun oažžu ohcat dasa nuppástusa Davvi-Suoma hálddahasrievttis čálalaš váidagiin. Váidaga oažžu dahkat dainna ákkain, ahte mearrádus lea lága vuostá. Váiddačálus čujuhuvvo váidineiseváldái ja dat galgá doaimmahuvvot ovdal váidináiggi nohkama Davvi-Suoma hálddahasrievtti registrerenkantuvrii.

Váidináigi

Mearreáigi váidima dahkamii lea 30 beaivvi mearrádusa diehtunoažžumis. Diehtunoažžunbeaivi ii lohkkoujvvo váidináigái. Juos váidináiggi manjimuš beaivi lea bassi, árgalávvardat, iehčanasvuodabeaivi, válbora, juovlaruohtta dahje mihcamáruohtta, váidináigi joatkašuvvá vel čuovvovaš árgabeaivvi.

Dábálaš diehtunaddin doaimmahuvvo reiviin poastta mielde vuostáiváldái. Diehtunoažžun gehččoujvvo leat dáhpáhuvvan čihččet beaivve dan rájes, go reive lea sáddejuvvon, jus eará ii čujuhuvvo. Dábálaš elektrovnnalaš diehtunaddimis gehččoujvvo, ahte vuostáiváldi lea ožžon dieđu goalmmat beaivve dan rájes, go diehtu lea sáddejuvvon, jus eará ii čujuhuvvo.

Jus lea sáhka gaskagieda diehtunaddimis, mearrádus gehččoujvvo bohtán diehtun, jus eará ii čujuhuvvo, goalmmat beaivve dan beaivvis, mii lea merkejuvvon diehtunaddin- dahje vuostáiváldinduođaštussii.

Váiddačállosa sisdoallu

Váiddačállosis galgá almmuhit

- mearrádusa, masa ohcat nuppástusa
- maida mearrádusa osiide nuppástus ohccojuvvo, makkár nuppástusat gáibiduvvojit dahkkot, ja nuppástusgáibádusa ákkaid
- mii lea váidinvuoigatvuodá ággan, jus váiddavuloš mearrádus ii čuoza váidái
- váidi nama, ruovttugielda ja telefonnummira
- poastačujuhusa ja eará vejolaš čujuhusa, gosa diggeáššebáhpárat sáhttet sáddejuvvot.

Jus hupmanváldi lea váidi lágalaš ovddasteaddjis, áššeolbmos dahje lobivuloš diggeáššeolbmos, dahje jus váidaga čállá muhtin eará, galgá váiddačállosis čuožžut maiddái su namma, ruovttugiella, poastačujuhush ja telefonnummir.

Go váidda lea jođus, galgá oktavuođadieđuid rievdamis farggamusat diedihit hálldahusriektái.

Váiddačállosa čuvvosat

Váiddačállosii galgá laktit

- mearrádusa, mas váidá, álgoálgosažžan dahje kopiijan váiddačujuhushain
- diehtunoažžunduođaštus dahje eará čilgehus das man rájes váidináigi galgá lohkojuvvot
- áššebáhpárat, maiguin váidi ákkastallá gáibádusas, jus dat eai leat doaimmahuvvon eisevárdái juo ovdalis
- áššeolbmo váldegirji, juos áššeolmmoš ii leat advokáhta, almmolaš riekteveahkki dahje lobivuloš diggeáššeolmmoš

Váiddaáššebáhpáriid doaimmaheapmi

Váidaga sáhtta doaimmahit persovnnalaččat, sáddet poasttas, šleađgapoasttas dahje áššeolbmo dahje áirasa mielde. Ovddasvástádus váidaga sáddemis poastta fáro dahje elektrovnnalaččat lea sáddejeaddjis.

Váidda galgá boahit váidineisevárdái virgeáigge ovdal go 30 beaivvi váidináigi nohká. Elektrovnnalaš áššebáhpárat galget boahit nu áiggil, ahte dat leat hálldahusriektái oažžumis vuostáiváldinmašiinnas dahje diehtovuogádagas nu, ahte diehtu sáhtta giedahallojuvvot váidináiggi manimus beaivve ovdal diibmu 16.15.

Hálldahusrievtti registrerenkantuvrra virgeáigi lea vuossárggas bearjadahkii diibmu 8.00-16.15.

Váidima sáhtta dahkat maiddái hálldašan- ja sierranasduopmostuoluid elektrovnnalaš bálvalusa bokte čujuhush

<https://asiointi.oikeus.fi/hallintotuomioistuimet>.

Davvi-Suoma hálldahusrievtti oktavuođadieđut leat:

poastačujuhush: PL 189, 90101 OULU

uksačujuhush: Isokatu 4, 3. geardi, OULU

telefovdna: 029 56 42800

telefáksha: 029 56 42841

šleađgapoastačujuhush: pohjois-suomi.hao@oikeus.fi

Riektegeavvanmáksu

Duopmostuollomáksinlága (1455/2015) ja duopmostuollomáksinlága 2 §:s ásahevvon mávssuid dárkkisteamis addon vuoigatvuođaministeriija láhkaásahusa (1020/2024) vuođul nuppástusohccis berrojuvvo váidinášši gieđahallamis hálddahasrievttis riektegeavvanmáksu, man sturrodat lea 310 euro. Riektegeavvanmáksu ii goittotge berrojuvvo, jus hálddahasriekti nuppástuhtá váiddavuloš mearrádusa nuppástusohcci ovdun.

Duopmostuollomáksinláhka:

<https://www.finlex.fi/fi/laki/ajantasa/2015/20151455?search%5Btype%5D=pika&search%5Bpika%5D=tuomioistuinnmaksulaki#P5>

Duopmostuollomáksinlága (1455/2025) vuođul addojuvvon vuoigatvuođaministeriija láhkaásahus (1020/2024) mávssuid dárkkisteamis lea bohtán fápmui 1.1.2025.

Láhkaásahusa 1 § mielde riektegeavvanmáksu hálddahasrievttis lea dál 310 euro. Áigeguovdilis dieđut riektegeavvanmávssuin gávdnojit dáppe:

<https://tuomioistuimet.fi/fi/index/asiointijajulkisuus/maksut/oikeudenkayntimaksutyleisissatuomioistuimissa.html>